

Vander moeghentht ende vanden han-
den des viandes vander hellen Alsoe
als in kint was behoet van herodes
alsoe behoet my van alle mine vian-
den. ende behoet my van sonden en
van alle den dinghen die my toe so-
den brenghen moeghen Daer by an-
siet mine bedelende veruullet alle
mine wercken. ende behoet my al-
soe als in lieue kint behoede die drie
coninghen dat sie niet weder en que-
men toe herodes Alsoe lieue moeder
behoet godes behoet my datt ick nu
mermeer weder ten sonden en coe-
me daer ick in gherwest hebbe *Ame-
n*
*hijr naeuolghen suuerlike ghebe-
den van onser vrouwen hoectiden
ende ten eersten van hoer ontfueninge.*

O Alre barmhertichste vrouwe heb-
be barmhertichheit in my
dat ick alre snoetste van
allen menschen en alre